


Manternach, de 5. Oktober 2002



Här Jean Spautz,
President vun der Deputéiertechamber
19, um Krautmaart
LETZEBUERG

Här President,

Esou wéi d'Chambersreglement et virgesäit, bieden ech Iech, dës parlamentaresch Ufro un d'Madame Bautenminister weiderzeleeden:

"Bei der Reallsatioun vum Musée Grand-Duc Jean, am Volleksmond Pei-Musée genannt, spillt eng auslännesch Firma (B.-O.), déi mat der Koordinatioun vun den Aarbechten chargéiert ass, eng bedeitend, awer zimmlech staark ëmstridde Roll. An dësem Zesammenhank gélf ech Iech gären dës Froë stellen:

- 1. Wat ass déi genee Missioun an d'Responsabilitéit vun dësem Koordinatiounsbüro? Wéi ass e.a. d'Responsabilitéit tëschend Architekten a Koordinatiounsbüro opgedeelt?*
- 2. No wat fir enge Kritären ass dës Firma ausgewielt ginn? Ass dës Sélectioun am Kader vum Gesetz iwer d'öffentlech Marchéen geschitt?*
- 3. Wat sinn déi wesentlech Punkten vum Vertrag tëschend dëser Firma an Aerem Ministère? Wéi ass d'Fro vun der Rémunératioun geregelt? Sin Délai'en ze respektéieren a si Strofen virgesinn, wann dës Délai'en net agehale ginn?*
- 4. Wéivill Leit huet dës Firma fir d'Realisatioun vum "Pei-Musée" engagéiert?*
- 5. Wéi ass vu Säiten vun Aerem Ministère d'Iwerwaachung vun dëser Firma séchergestallt?"*

Mat déiwem Respekt,

Roby Mehlen, Deputéierten